

operum, quorum præcipua: *Dissertationes de existentia Dei*, — *De sacrificio Missæ*, — *Conformité de la foi avec la raison*, etc., etc. Obiit anno 1708.

JAVEL. — Chrysostomus Javellus, natione Italus, patria Pedemontanus, ordinis S. Dominici monachus et Bononiæ regens, vir incomparabili pene ingenii felicitate præditus, philosophus et theologus longe insignis, e vita cessit anno 1540. Vulgavit: *Commentaria in universam logicam*, — *In Moralem Platonis philosophicam et politicam*, — *Expositionem in Summam D. Thomæ*, — *Tractatum de Trinitate*, — *De sacramento matrimonii*, etc.

JOAN. CAPIST. (S.) — Sanctus Joannes de Capistrano, natione Italus, ordinis S. Francisci monachus, vir facundia, zelo et litteris clarus, migravit ad Dominum anno 1456. Multa et eximia posteris concinnavit opera, quorum præcipua sub his titulis: *Tractatus de auctoritate Papæ et concilii*, — *De excommunicatione*, — *De matrimonio*, — *De jure civili*, — *De usuris et contractibus*, — *Speculum clericorum*, etc., etc.

JOAN. DIAC. — Joannes Diaconus, natione Italus, patria Neapolitanus, circa initium sæculi x floruit, et scripsit: *Chronicon de episcopis Neapolitanis*, — *Vitam Joannis episcopi Neapolitani*, etc.

JOAN. MONAG. — Joannes Monachus (Jean le Moine), natione Gallus, patria Pontiniensis, Bajocensis decanus et S. R. Ecclesiæ cardinalis, vir in jure et theologia eruditissimus, animam Deo reddidit anno 1315. Posteris reliquit: *Commentaria in Decretales*, etc.

JOLY. — Claudius Joly, natione Gallus, patria Parisiensis et cathedralis ecclesiæ canonicus, vir ingenio, scientia et moribus insignis, obiit anno 1700, ætatis suæ 95. Plurima tum Latine tum Gallice concinnavit opera, quorum præcipua sub his titulis: *De reformandis horis canonicis*, ac *rite constituendis clericorum muneribus*, — *Tractatus antiqua ecclesiarum Franciæ circa assumptionem Mariæ*, — *Traité de la restitution des grands*, — *De l'état du mariage*, — *Traité historique des écoles épiscopales*, etc., etc.

JON. — Jonas Fontanellæ monachus, in diocesi Rothomagensi, hagiographus, floruit sæculo viii, et scripsit: *Vitam S. Joannis abbatis monasterii Reomaensis*.

JORD. PAX. — Jordanus Pax, monachus, varia edidit opera *De rebus sacris, episcopis et beneficiis*.

JOSEPH. FLAV. — Josephus Flavius, historiographus Judæus, vita functus circa annum salutis 95, sermone Græco scripsit: *Historiam belli Judæorum*, — *Antiquitates Judaicas*, etc.

JOUX. — Petrus Joux (De Joux de la Chapelle), e Geneva oriundus, religione heterodoxus, in extremis vero catholicus, vir litteris et ingenio clarus, obiit Parisiis, anno 1825, et plurima Gallice concinnavit, præsertim opus cui titulus: *Lettres sur l'Italie considérée sous le rapport de la religion*.

JUEN. — Gaspar Juenninus (Juennin), natione Gallus, in Brixia natus, congregationis Oratorii presbyter, vir eruditione et pietate insignis, multos per annos theologiam docuit et obiit Parisiis anno 1715, ætatis suæ 63. Plura tum Latine tum Gallice conscripsit opera, inter quæ: *Institutiones theologicas ad usum seminariorum*, — *Commentarium historicum et dogmaticum de sacramentis*, — *Théologie morale*, — *Résolution des cas de conscience sur la vertu de justice et d'équité*, etc., etc.

JUL. CLAR. — Julius Clarus, Vide CLARUS JULIUS.

JUNIP. DREP. — Juniperus Drepanensis, vel a Drepano, natione Siculus, ordinis S. Francisci monachus, provinciæ Panormitanæ theologus, provincialis minister ac Lateranensis penitentiarius, vir doctrina insignis, in lucem emisit: *Disputationes commentarias pro juris pontificii defensione*, — *De casibus reservatis*, — *Emblemata civilia*, — *De immu-*

nitate et libertate ecclesiastica, — *Totius theologiæ moralis omnium controversiarum securiores sequendas conclusiones*, etc. Obiit in ministeriati suæ provinciæ anno 1648.

JUSTEL. — Christophorus Justellius (Justel), natione Gallus, patria Parisiensis, vir eruditione clarus et in historia præsertim ecclesiastica versatissimus, a consiliis secretis regi Galliæ, vita functus Parisiis, anno 1649, ætatis suæ 69. Scripsit opus eximium cui titulus: *Codex canonum Ecclesiæ universæ*, et aliud prænotatum: *Histoire généalogique de la maison d'Auvergne*.

JUSTEL. (HENR.) — Henricus Justellius, præcedentis filius, Parisiis natus, Londini vero defunctus anno 1693, vir pariter doctissimus et bibliothecarius regius, edidit simul cum Guillelmo Voetio opus prænotatum: *Bibliotheca juris canonici veteris*.

JUSTIN. (S.) — Sanctus Justinus, Ecclesiæ Græcæ doctor et martyr anno 167, plurima scripsit opera, quæ nuper in *Patrologia Græca*, tom. IV, edit. J. P. Migne, collecta sunt; quam vide.

JUSTIS (DE). — Vincentius de Justis, nobilis Lucensis, scripsit opus prænotatum: *De impedimentis et dispensationibus matrimonialibus*

K

KAZEMB. — Kilianus Kazemberger, natione Germanus, strictioris Observantiæ S. Francisci alumnus in re collecta provincia Argentine, sacra theologia lector jubilatus ac diffinitor, elaboravit: *Supplementum theologiæ moralis R. P. Fr. Patritii Sporer*, — *Centifolia theologica*, etc. Scripsit quoque Germanice: *De seraphica religione*. Claruit sæculo xvii.

KELLEN. — Ludovicus Kellen, natione Germanus, ordinis S. Francisci monachus, vicissim minister provincialis, commissarius ac diffinitor generalis, vir sane eruditus, plura elucubravit, ex quibus excusa exstant: *Medulla cedri, seu conciones Dominicales et festivales*, — *Adventuale novum* etc. etc. Floruit sæculo xvii.

KEMPIS (A). — Thomas Malleolus (Haemmerlein.) A Kempis dictus ab urbe Kempen prope Coloniæ, ubi natus est, canonicus regularis monasterii Montis Sanctæ Agnetis, vita functus anno 1471, plurima concinnavit asectica opera curis Sommalii edita Antverpiis, anno 1607, tres vol. in-4^o.

KERCHM. — Simon Kerchm, natione Germanus, ordinis clericorum regularium Societatis Jesu presbyter, vir scientiis philosophicis et theologicis apprime doctus, publici juris fecit: *Dissertationem de actibus humanis*, — *In quartum Decretalium*, etc.

KERCHOV. Gaudentius Vanden Kerchove, natione Germanus, ordinis S. Francisci monachus, lector jubilatus, ex-provincialis et commissarius, opus emisit egregium cui titulum donavit: *Commentarii in generalia statuta ordinis S. Francisci*, et aliud prænotatum: *Methodus corrigendi regulares, sive Praxis criminalis fratribus Minoribus propria, omni regulari judici accommodata*. Claruit sæculo xvii.

KEUL. — Mathias Keul, natione Belga, ordinis S. Francisci monachus, theologiæ lector emeritus, et diffinitor provinciæ Coloniensis, vir eruditus et de republica litteraria optime meritis, recognovit valdeque auctum dedit Latine *Thesaurum doctrinæ Christianæ* quondam a D. Nicolao Turlot Ecclesiæ Namurensis vicario generali concinnatum, — *Rosetum seraphicum, seu Compendium operum S. Bonaventuræ*, — *Apiarium mellissimum continens favos dulciores et delectabiliores ex operibus S. Bernardi*, etc., etc. Floruit sæculo xvii.

KIRCHER. — Athanasius Kircherus, natione Germanus, patria Fuldensis, e Societate Jesu sacerdos, vir scientia, litteris et eruditione præstantissimus, philosophiam moralem, mathesim, linguas Hebræam et Syriacam in variis collegiis professus, plenus

dierum, Romæ obiit circa annum 1680. Plurima et eximia concinnavit opera, quorum præcipua: *Magnesia, sive Conclusiones experimentales de effectibus magnetis*, — *Ars magnetica*, — *Mundus subterraneus*, — *Historia Eustachio-Mariana, qua vita, genealogia et locus conversionis S. Eustachii describuntur*, etc., etc.

KLOTZ. — Stephanus Klotzius, natione Germanus, theologus et pastor heterodoxus, fato functus anno 1668, tum theologia tum metaphysica edidit opera, inter quæ: *Theologiam naturalem*.

KOEL. — Joannes David Koeler, natione Germanus, historiographus celebris et philosophiæ professor, publici juris fecit: *Chronologium historiæ universæ ab orbe condito ad annum 1750*, — *Descriptionem orbis antiqui*. Obiit anno 1765.

KOENIG. — Georgius Koenig, natione Germanus, theologiæ professor, vita functus anno 1654, inter plura theologia edidit opus prænotatum: *Tractatus de casibus conscientie*. — Georgius Mathias Koenig, præcedentis filius, biographus et litterarum professor, defunctus anno 1699, inter multa, quæ conscripsit, opera, reliquit librum cui titulus: *Bibliotheca vetus et nova*.

KOHL. — Joannes Petrus Kohl, natione Danus theologus et litterator, plurimos per annos insigniter docuit historiam ecclesiasticam et humaniora literas, et obiit anno 1778. Varia conscripsit opera sub his titulis: *Theologia gentilis Cimbricæ purioris*, — *Ecclesia Græca lutherizans*, — *Introductio in historiam et rem litterariam Slavorum imprimis sacram*, etc., etc.

KOLB. — Petrus Kolbæus, natione Germanus, viator eruditus, vita functus anno 1726, scripsit: *Dissertationem in cometarum naturam*, — *Observationes de aquis capitis Bonæ-Spei*, etc.

KORNMAN. — Henricus Kornmannus (Kornmann), natione Germanus et jurisconsultus celebris, plurima juris publici fecit sub his titulis: *Templum naturæ, seu de miraculis quatuor elementorum*, — *De miraculis vivorum*, — *De miraculis mortuorum*, — *De virginitatis jure*, — *De annulo triptici, usitato, sponsalito, signatorio*, etc. Obiit anno 1620.

KORTHOL. — Christianus Kortholtus (Kortholt), natione Germanus, theologus heterodoxus et professor, vir eruditione et scientia præstantissimus, diem obiit supremum anno 1694, ætatis suæ 61, posteris varia relinquens opera sub his titulis: *Paganus obrectator, sive De calumniis paganorum in veteres Christianos*, — *De origine et natura Christianismi ex mente gentilium*, — *De persecutionibus Ecclesiæ primitivæ*, — *De religione ethnica, Mahumetana et Judaica*, etc., etc.

KRIMER. — Ferdinandus Krimerus, natione Germanus, ordinis clericorum regularium Societatis Jesu, vir scientia insignis et utriusque juris peritus, varia scripsit, sed præsertim opus prænotatum: *Quæstiones canonicæ in quinque libros Decretalium*.

KRISPER. — Crescentius Krisper, natione Germanus, ordinis S. Francisci monachus, vicissim lector, diffinitor et pro-commissarius generalis, vir doctrina, eruditione et virtutibus insignis, scripsit: *Nubila Jansenismi et Quæsnellianismi luce dogmatico-scholastica depulsa*, — *Theologiam scholæ Scotisticæ, seu Expositionem quatuor librorum Sententiarum Scoti*, etc. Migravit ad Dominum circa annum 1750.

KRUC. — Oswaldus Kruger, natione Pruthenus, e Societate Jesu, theologiæ moralis, linguæ sanctæ et mathesis vicissim professor, vir doctrina clarus, Grobnæ obiit, anno 1665. Varia scripsit: *Theorematum et problematum mathematica*, — *Arithmetica*, — *Calendarium Romanum*, — *Centuriam astronomicam*, — *Horologium practicam*, etc., etc.

KULG. — Joannes Kulger, natione Germanus, ordinis clericorum regularium Societatis Jesu alumnus, vir scientiis theologicis præstans, edidit:

Tractatum theologico-canonicum de sponsalibus et matrimonio.

L

LABB. — Philippus Labbæus (Labbe), natione Gallus, patria Biturix, natus Avarici Biturigum, Societatem Jesu anno 1625 amplexus, disciplinas ameniores, rhetoricam, philosophiam et theologiam vicissim docuit; doctrina, eruditione et pietate insigniter claruit, et obiit Parisiis anno 1667. Quam plurima edidit opera, quorum præcipua sub his titulis: *Collectio conciliorum*, 17 vol. in-fol., — *Hagiologium Franco-Galliæ*, — *Chronicon Dolensis cœnobii*, — *De scriptoribus ecclesiasticis*, — *Conciliolorum historia synopsis*, etc., etc.

LABORANS. — Laborans S. R. Ecclesiæ presbyter cardinalis, philosophus et theologus eximius, edidit: *Collectionem canonum*, — *De vera libertate*, — *De justitia et justo*, — *De appellationibus*, etc. Claruit circa finem sæculi xii.

LA CROIX. — Claudius La Croix. Vide CROIX.

LACTANT. — Lucius Coelius Firmianus Lactantius, natione Afer, ut recte creditur, vir ingenio insignis claruit sæculo iv, et scripsit: *Institutionum libros septem*, etc. Vid. *Patrologiam Latinam*, quam edidit J. P. Migne, t. VI et VII.

LAET. — Joannes de Laet, natione Belga, patria Antverpiensis, Societatis Indiarum director, historiographus et geographus insignis, obiit anno 1649, plurima posteris relinquens opera sub his titulis: *Novus orbis, seu Descriptio Indiæ occidentalis*, — *De regis Hispaniæ regnis et opibus*, — *Turci imperii status*, — *Notæ ad dissertationem Hugonis Grotii de origine gentium Americanarum*, etc., etc.

LAFITAU. — Josephus Franciscus Lafitau, natione Gallus, patria Burdigalensis, e Societate Jesu historiographus, vir ingenio et scientia insignis, varia Gallico sermone conscripsit opera, quorum præcipua: *Mœurs des sauvages américains, comparées aux mœurs des premiers temps*, — *Histoire des découvertes des Portugais dans le Nouveau-Monde*, etc. Obiit anno 1740.

LA FONTAINE. — Jacobus La Fontaine, natione Germanus, ordinis clericorum regularium Societatis Jesu presbyter, vir scientiis theologicis peritus, Romæ defunctus anno 1728, publici juris fecit opus eximium cui titulus: *Constitutio Unigenitus theologicæ propugnata*, 4 vol. in-fol.

LAGOMARSIN. — Hieronymus Lagomarsinus (Lagomarsini), natione Italus, patria Genuensis, e Societate Jesu philologus insignis, litteras humaniores, rhetoricam et linguam Græcam multos per annos professus, Romæ obiit, anno 1775, ætatis suæ 75. Scripsit: *Notas ad Julium Poggianum Senensem*, — *Ad Antonium Mariam Gratianum*, — *Actionem in J. Aug. Thuanum*, — *Orationes*, — *Epistolas*, etc.

LA HAIE. — Joannes de la Haie, natione Gallus, patria Parisiensis, ordinis S. Francisci monachus discalceatus, concionator regius, vir in scientiis theologicis et litteris sacris eruditissimus, migravit ad Dominum anno 1661. Plurima et eximia concinnavit opera, quorum præcipua sub his titulis: *Commentaria in totam sacram Scripturam cum notis et versionibus*, — *Expositio casuum reservatorum*, — *Deliciae prædicatorum*, — *Quadragesimale de Evangelio eterno*, — *Duo adventalia*, etc., etc.

LALANDE. — Jacobus de Lalande, natione Gallus, patria Aurelianensis, jurisconsultus et professor insignis, beneficentia et charitate notus, et ideo *Pater populi* cognominatus, obiit anno 1765. Varia de jure tum Latino tum Gallico sermone concinnavit opera sub his titulis: *Specimen juris Romano-Gallici ad Pandectas*, — *Prolegomena ad Decretales de decimis*, — *Commentaire sur la coutume d'Orléans*, etc., etc.

LALLEMAND. — Joannes Lallemandet, natione Gallus, patria Vesontinus, ordinis S. Francisci monachus, vir scientiis philosophicis et theologicis peritus, edidit: *Decisiones philosophicas tribus partibus comprehensas*, — *Cursus theologiae completum*, etc. Obiit anno 1647.

LAMBEC. — Petrus Lambecius, natione Germanus, patria Hamburgensis, historiographus et bibliographus insignis et catholicus, obiit anno 1680. Varia publici juris fecit opera quorum tituli: *Prodromus lucubrationum criticarum in A. Gellii Noctes Atticas*, — *Animadversiones ad Codini Origines Constantinopolitanae*, — *Commentarii de bibliotheca Caesarea-Vindobonensi*, etc., etc.

LAMBERTIN. — Prosper Lambertinus (Lambertini). Vide **BENEDICTUS XIV.**

LAMBRUSCHINI. — Joannes Baptista Lambruschini, natione Italus, Oropitensis episcopus, vir doctrina et ingenio insignis, scripsit: *Theologica dogmata*, — *Compendium theologiae*, — *Dissertationes de Immaculata Conceptione B. Mariae*, etc., etc. Obiit anno 1827, aetatis suae 72.

LAMI. — Bernardus Lami, natione Gallus, patria Cenomanensis, congregationis Oratorii presbyter, theologiae professor, eruditissimus, obiit anno 1715, aetatis suae 70, posteris varia et eximia tum Latine tum Gallice concinnata relinquens opera, sub his titulis: *Harmonia sive Concordia evangelica*, — *De tabernaculo foederis, de sancta civitate Jerusalem et de templo ejus*, — *Introductio ad Scripturam sacram*, — *Demonstration de la sainteté et de la morale chrétienne*, etc., etc.

LAMI. — Joannes Lami, natione Italus, theologus et historiographus insignis, plura edidit opera praenotata: *Deliciae eruditorum*, — *Chronologia virorum eruditione praestantium*, — *Sanctae Ecclesiae Florentinae monumenta*, etc., etc. Obiit anno 1770.

LANCELLI. — Joannes Paulus Lancellotti (Lancellotti), natione Italus, patria Perusinus, jurisconsultus celebris, morte functus anno 1591, aetatis suae 80, edidit: *Institutiones juris canonici cum doctissimis notis*, — *Corpus juris canonici*, etc.

LANFRANC. — Lanfrancus, Italia ortus, Cantuariensis archiepiscopus et Angliae primas, vir eruditione et scientia insignis, diem clausit extremum anno 1089, et scripsit: *Commentaria in Epistolas S. Pauli*, — *De corpore et sanguine Christi*, — *De celandi confessione*, etc. Vid. *Patrologiam Latinam*, edit. J. P. Migne, tom. CL.

LANFRED. — Jacobus Lanfredini, natione Italus, patria Florentinus, vir scientia, prudentia et pietate clarus, S. R. Ecclesiae cardinalis, morte functus anno 1741, aetatis vero 60, varia tum Latine tum Italice concinnavit opera quorum tituli: *Responsiones ecclesiasticae*, — *Raccolta d'orazioni sinodali, e lettere pastorali*, etc., etc.

LANG. — Joannes Langius (Lange), natione Germanus, jurisconsultus celeberrimus, a consiliis imperatori Ferdinando I, vir litteris humanioribus et jure doctissimus, vita functus anno 1567, varia scripsit, et praesertim: *De progressu juris civilis Saxoniae*, etc.

LANTER. — Carolus Lanterius, natione Italus, patria Genuensis, ordinis S. Francisci monachus, theologus jubilatus, ex-provincialis, difflinitor et commissarius generalis, claruit saeculo XVII, et juris publici fecit opera praenotata: *De sanctissimo Incarnationis mysterio*, — *Tractatus duo theologici*, etc.

LANTUSC. — Angelus Lantusea, natione Italus, ordinis S. Francisci monachus, vir non minus doctrina quam pietate aestimandus, theologus, concionator illustris et Romanae provinciae secretarius, plura minime contemnenda scripsit, e quibus extant: *Octavarum exercitiorum spiritualium*, — *Regulam tertii ordinis S. Francisci*, — *Theatrum Regularium*, — *Bullarium Romanum ab Urbano VIII ad*

Clementem X, etc. Claruit saeculo XVII (1665).

LAPIDE (A). — Cornelius a Lapide, natione Belgae, patria Eburno-Bucholdianus, Societatis Jesu sacerdos, sacram linguam et Litteras divinas tum Lovanii, tum Romae complures per annos summa cum celebritate publice professus est et migravit ad Dominum anno 1637, aetatis suae 81. Edidit *Commentaria in fere totam Scripturam*.

LA SELV. — Zacharias La Selve, natione Gallus, ordinis S. Francisci monachus, theologus ac doctrina insignis, uti testantur ejus lucubrations, concionatoribus communia fecit opera praenotata: *Annus apostolicus pro toto Adventu*, — *Pro tempore Quadragesimae*, — *Pro omnibus Dominicis*, etc., etc. Floruit saeculo XVII.

LAUD. — Andreas Laude, natione Siculus, patria Catanensis, ordinis Sanctae Mariae a Monte Carmelo monachus, theologiae professor et sui ordinis procurator generalis, vita functus anno 1675, in lucem emisit: *Disputationes theologicas in Summam D. Thomae*.

LAUN. — Joannes Launois (Jean de Launoy), natione Gallus, patria Constantiensis, Parisiensis theologus, jurium Ecclesiae et regis acererrimus vindex, vitam exegit innociam, et optimam famam, maximamque venerationem adeptus, obiit anno 1678. Plurima et eximia concinnavit opera, quorum praecipua: *De veteribus Parisiensium basilicis*, — *De frequenti confessionis et Eucharistiae usu*, — *De cura Ecclesiae pro miseris et pauperibus*, — *De veteri ciborum delectu in jejuniis*, — *De sacramento unctionis extremae*, — *Romanae Ecclesiae circa Simoniam traditio*, etc., etc.

LAURENT. — Laurentius Brancatius de Laurea, Vide **BRANCATIUS**.

LAURENT. — Andreas Laurentius (Du Laurens), natione Gallus, patria Arelatensis, regis Henrici IV medicus, fato functus anno 1609, scripsit opus eximium cui titulus: *Historia anatomica corporis humani*.

LAURENT. — Augustinus Laurentius (Laurenço), natione Hispanus, e Societate Jesu, philosophiae et theologiae professor, obiit anno 1695. Varia edidit opera, quorum praecipua sub his titulis: *Cursus philosophicus de triplici ente*, — *Syntagmata theologiae sive principalis theologiae tractatus*, etc., etc.

LAUTERBACH. — Adamus Wolfgangus, natione Germanus, jurisconsultus et professor eximius, vita functus anno 1678, edidit: *Consilia juridica Tubingensia*, — *Collegium theoricum-practicum in Pandectas*, etc.

LAYMAN. — Paulus Laymannus, natione Germanus, patria Oenipontanus, e Societate Jesu, vir juris canonici peritissimus, peste contactus obiit Constantiae, anno 1625. Edidit: *Questiones canonicae de praetorum ecclesiasticorum electione, institutione et potestate*, — *Theologiam moralem*, — *Processum juridicum contra Sagas*, — *Commentaria in Decretales*, etc., etc.

LAZER. — Petrus Lazerius (Lazeri), natione Italus, patria Senensis, Societatis Jesu presbyter, theologus insignis et linguis eruditissimus, obiit anno 1789. Varia tum Latine tum Italice scripsit opera, quorum praecipua sunt: *De arte critica et generalibus ejus regulis*, — *De antiquis formulis fidei*, — *De falsa veterum Christianorum rituum a ritibus ethnicorum origine diatriba*, etc., etc.

LEAND. DIVION. — Leander Divionensis, natione Gallus, ordinis S. Francisci monachus, disertissimus concionator, theologus celebris ac definitor, vir omnigena doctrina insignitus, vita functus anno 1667, publici juris fecit: *Veritates evangelicas*, — *Commentaria in Epistolas S. Pauli*, — *Super Cantica canticorum*, etc.

LEAND. MONT. — Leander Montanus, natione Hispanus, patria Murciensis, ordinis S. Francisci mo-

nachus, provincialis minister, Inquisitionis qualificator, et a concionibus regis, vir eruditus et in utroque jure nobiliter versatus, prelo mandavit: *Commentaria litteraria et moralia in librum Esther*, — *Disquisitiones morales in primam secundae S. Thomae*, — *Questiones selectas regulares*, — *Questiones selectas morales*, — *Expositionem bullae Cruciatæ*, etc. Obiit circa annum 1670.

LE COINTE. — Carolus Le Cointe, natione Gallus, patria Trecentensis, congregationis Oratorii presbyter, vir scientia et eruditione insignis, edidit opus praenotatum: *Annales ecclesiastici Francorum*, ab anno 417 ad annum 845, 8 vol. in-fol. Obiit Parisiis anno 1681, aetatis suae 70.

LEDESM. (B.) — Bartholomæus Ledesma, natione Hispanus, patria Salmanticensis, ordinis S. Dominici monachus et episcopus Antequitensis, vir eruditissimus, inter multa, quae concinnavit, opera, reliquit: *Tractatum de sacramentis*, et obiit anno 1604.

LEDESM. (Cl.) — Clemens de Ledesma, natione Hispanus, ordinis S. Francisci monachus, philosophiae lector, concionator Jubilatus et Pater, circa annum 1700 vita functus, scripsit: *Compendium excellentiarum seraphici tertii ordinis*, — *Theses de Jesu Nazareno, de Angelopolitani templi dedicatione*, etc.

LEDESM. (Jac.) — Jacobus Ledesma, natione Hispanus, patria ex Cuellar Castellae oppido, e Societate Jesu regularis, vir ingenii et doctrinae magnitudine nobilissimus, theologus et canonista insignis, migravit ad Dominum anno 1575. Multa conscripsit opera, quorum praecipua sub his titulis: *De dialectica ejusque tradendae methodo*, — *Ethica, seu philosophia et theologia de moribus*, — *Controversiarum quaestiones contra haereticos*, — *De modo catechizandi*, — *Tabula brevis Summae S. Thomae*, etc., etc.

LEDESM. (Joan.) — Joannes Ledesma, natione Americanus, patria Mexicanus, nobilibus parentibus Hispanicis natus, Societatis Jesu presbyter, scientiis philosophicis et theologicis peritissimus, e vivis decessus anno 1637, scripsit: *Commentaria in S. Thomam*, — *Varias lucubrationes*, etc. Omnia opera collecta sunt tom. 14 in-fol.

LEDESM. (M.) — Marinus de Ledesma, sive Ledesmius, sic dictus ab oppido suo natali, quod adiacet fluvio Tormi, ordinis S. Dominici monachus, vir ingenii praecellentis et literis celeberrimus, ac omnibus disciplinis ornatus, diem obiit supremum anno 1574. Edidit: *In quartum librum magistri Sententiarum volumina duo*, — *Scripta plura in Summa D. Thomae*.

LEDESM. (P.) — Petrus Ledesma, natione Hispanus, patria Salmanticensis, ordinis S. Dominici monachus, theologiae professor celeberrimus, scripsit: *Tractatum de matrimonio*, — *Summam sacramentorum*, etc., etc. Obiit anno 1616.

LE DROU. — Petrus Lambertus Le Drou, natione Germanus, patria Huyensis, ordinis S. Augustini monachus, doctor Lovaniensis et theologiae professor, Porphyriensis episcopus, vir eruditione, et modestia clarus, cum omnium bonorum luctu octogenuarius piensissime Leodii obiit anno 1721. Scripsit: *Dissertationes quatuor de contritione et attritione*, — et opus aliud cui titulus: *Trias Patrum, sive theologia ex tribus Patribus, S. Augustino, Gregorio Magno et S. Bernardo deprompta*.

LEGNANO. — Joannes de Leguano, sic dictus ab oppido suo natali, natione Italus, jurisconsultus, vir in litteris humanioribus, philosophia, jurisprudentia et astronomia versatissimus, in Universitate Bononiensi jus canonicum magna cum fama professus est et diem obiit supremum Bononiae anno 1385. Plurima concinnavit opera sub his titulis: *Super Clementinis liber 1*, — *De censura ecclesiastica*, — *De interdicto ecclesiastico*, — *Disputatio de decreto*, — *De beneficiorum ecclesiasticorum pluralitate*, — *De horis canonicis*, — *De repraesentis*, — *De duello*, —

Lectura super primo, secundo et tertio Decretalium, etc.

LEIBNIT. — Guillelmus Godefridus Leibniti (Leibnitz), natione Germanus, patria Lipsiensis, vir ingenio et eruditione praestantissimus, historiographus, et jurisconsultus insignis, metaphysica et mathematica pollens, obiit anno 1716, aetatis suae 70. Plura et eximia sui ingenii monumenta posteris legavit sub his titulis: *Scriptores rerum Brunswicarum*, — *Codex juris gentium diplomaticus*, — *De jure suprematus ac legationis principum Germaniae*, — *De arte combinatoria*, — *Accessiones historicae*, — *De origine Francorum*, etc., etc.

LEITAN. — Franciscus Leitan, ordinis clericorum regularium Societatis Jesu presbyter, vir scientia clarus, juris publici fecit opus eximium cui titulus: *Clypeus pontificiae dignitatis*.

LEMER. — Nicolaus Lemerius (Lemery), natione Gallus, patria Rothomagensis, medica et chimica arte peritissimus, inter plura alia, edidit opus eximium cui titulus: *Cours de chimie*. Obiit anno 1715, aetatis suae 70.

LENGLET DUFRESN. — Nicolaus Lengletus Dufresnius (Lenglet Dufresnoy), natione Gallus, patria Bellovacensis, Sorbonicus doctor designatus, vir litteris, scientia et eruditione clarus, vita functus anno 1755, plurima sermone Gallico concinnavit opera, quorum praecipua sunt: *Méthode pour étudier l'histoire*, — *Traité historique et dogmatique sur les apparitions*, — *Traité historique et dogmatique du secret de la confession*, etc., etc., etc.

LENGNICH. — Godefridus Lengnich, natione Germanus, patria Gedanensis, historiographus et jure publico peritus, plura tum Latino tum Germanico idiomate conscripsit opera, quibus tituli: *De origine et progressu poenae adulterorum apud Romanos*, — *Historia Poloniae*, — *Animadversiones in auctores classicos*, etc., etc. Obiit anno 1774, aetatis suae 84.

LEO M. (S.) — Sanctus Leo I, papa, cognomine Magnus, natione Italus, patria Romanus, factis et scriptis clarus, migravit ad Dominum anno 461. Plura et eximia reliquit opera, quae nuper collecta sunt in *Patrologia Latina*, edit. J. P. Migne, tom. LIV-LVI.

LEO (J. F.) — Joannes Franciscus Leo, natione Italus, episcopus Telesiae, opus edidit eximium cui titulus: *Thesaurus fori ecclesiastici*.

LEO (M.) — Marcus Paulus Leo, natione Italus, patria Romanus, juris utriusque doctor, multos per annos negotiis ad sacram Pœnitentiarum spectantibus deditus, postea vero Societatem Jesu anno aetatis suae 41 ingressus, migravit ad Dominum die 11 Octobris 1657. Scripsit: *Praxim ad litteras majoris Pœnitentiarum*, — *De auctoritate et usu pallii pontificii*, etc.

LEQUIEN. — Michael Lequien, natione Gallus, patria Bononiensis, ordinis S. Dominici monachus, vir linguis, theologia et sacris Litteris eruditissimus, obiit Parisiis anno 1755. Plura et doctissima concinnavit opera sub his titulis: *Panoplia contra schisma Graecorum*, — *Oriens Christianus, in quatuor patriarchatus digestus, in quo exhibentur Ecclesiae patriarchae, ceterique praesules Orientis*, — *Nullité des ordinations anglicanes*, etc., etc.

LERAN. — Joannes Baptista de Lerana, natione Hispanus, patria Matritensis, ordinis Carmelitarum monachus, theologiam magna cum fama docuit et obiit Romae anno 1659, aetatis suae 75, posteris sui ingenii monumenta relinquens opera, quorum tituli: *Summa questionum regularium*, — *Summae theologiae sacrae*, — *Annales sacri, prophetici et Eliani ordinis*, — *De regularium reformatione*, etc., etc.

LERID. — Petrus Leridantus (Leridant), natione Gallus, patria Armoricus, causidicus Parisiensis, vir scientia juris apprime eruditus, vita functus anno 1768, varia tum Latine tum Gallice conscripsit opera

quibus tituli: *Institutiones philosophicæ*, — *Dissertatio historico-theologica in conceptionem B. Mariæ*, — *Code matrimonial*, etc.

LERIUS. — Joannes Lery (de Léry), natione Gallus, Aedus Burgundio, heterodoxus minister, multas peragravit regiones, et Gallice simul ac Latine edidit librum cui titulus: *Voyage du Brésil*. Obiit anno 1611.

LESCARRE. — Marcus Lescarbot, natione Gallus, patria Verbinensis, Parisiensis causidicus, Americas perlustravit regiones, et Gallice simul ac Latine edidit prænatum: *Histoire de la Nouvelle France*. Obiit circa annum 1650.

LESSIUS. — Leonardus Lessius, natione Belga, patria Brechtanus in Brabantia, e Societate Jesu, theologus insignis, et ingenio ac eruditione præclarus, plura et eximia concinnavit opera, scilicet: *De justitia et jure*, — *De montibus pietatis*, — *De perfectionibus moribusque divinis*, — *De Antichristo et ejus præcursoribus*, — *De statu vite deligendo*, — *De summo bono*, etc., etc. Migravit ad Dominum anno 1625, ætatis suæ 69.

LEUREN. — Petrus Leurenius, ordinis clericorum regularium Societatis Jesu sacerdos, vir scientiis theologicis et canonicis peritus, scripsit: *Forum ecclesiasticum*, — *Forum beneficiale*, — *De vicario episcopi*, etc.

LEUSDEN. — Joannes Leusdenius, natione Batavus, patria Ultrajectensis, philologus insignis et Hebraicæ linguæ professor, plura edidit eximia opera sub his titulis: *Onomasticon sacrum*, — *Compendium biblicum Veteris Testamenti*, — *Philologus Hebræus*, etc., etc. Obiit anno 1699.

LEEUWEN. — Simon van Leeuwen, natione Batavus, causidicus et juris peritus celebris, fato functus anno 1682, inter plurima de jure opera, edidit prænata: *Censura forensis*, — *De origine et progressu juris civilis Romani*, etc.

LEYSER. — Augustianus Leyserus (Leyser), natione Germanus, patria Wittembergensis, jurisconsultus et professor insignis, varia de jure concinnavit opera sub his titulis: *De logomachiis in jure dissertatio*, — *De assentionibus jurisconsultorum*, — *Meditationes ad Pandectas*, etc. Obiit anno 1752.

LIBERI. — Liberius a Jesu, natione Italus, patria Novariensis, ordinis Carmelitarum monachus, congregationis Fidei Propagandæ præfectus, per triginta et octo annos scholasticam theologiam Romæ docuit, et obiit anno 1719, posteris relinquens *Controversias dogmaticas*, 44 vol. in-fol.

LICETI. — Fortunius Licetus (Fortunio Liceti), natione Italus, patria Genuensis, medicus insignis et professor, plurimos concinnavit tractatus quorum præcipui sunt: *De monstris*, — *De mundi et hominis analogia*, — *De animalis antiquis*, — *De animorum rationalium immortalitate*, — *De lucernis antiquis*, etc., etc. Obiit anno 1657.

LICHET. — Franciscus Lichetus de Brixia (Lichetto), natione Italus, ordinis S. Francisci monachus, in Scotistica doctrina toto orbe celeberrimus, vir felicissimi et sagacissimi ingenii, multis annis theologiam professus, minister generalis totius ordinis electus fuit, et obiit circa annum 1524. Palestræ literariæ mandavit: *Commentaria in primum, secundum et tertium Scoti*, — *In quatuor libros Sententiarum*, — *In metaphysicam Doctoris subtilis*, etc., etc.

LIGUOR. (S.) — Alphonsus Maria Liguorius (S. Liguori), natione Italus, patria Neapolitanus, episcopus S. Agathæ, vir scientia et sanctitate clarissimus, Redemptoris congregationis fundator, migravit ad Dominum anno 1787. Multa et eximia tum Latine tum Italice concinnavit opera, quorum præcipua sunt: *Theologia moralis*, — *Homo apostolicus*, — *Directorium ordinandorum*, — *Institutio catechistica*, — *Praxis confessarii*, etc., etc., etc.

LILIUS. — Aloysius Lilius (Læus Lilio), natione Italus, patria Cirenensis in Calabria, medicus et astronomus insignis, fato functus anno 1576, Kalendarium Gregorianum reformavit, et scripsit: *De propagando numero aureo*.

LIMBORCH. — Philippus van Limborchius, natione Batavus, patria Amstelodami natus, theologus et pastor heterodoxus, vir scientia clarus, fato functus anno 1712, varia edidit opera sub his titulis: *Amica collatio de veritate religionis Christianæ cum Judæo*, — *Theologiæ Christianæ ad praxim pietatis directæ*, — *Historia Inquisitionis*, etc.

LIMN. — Joannes Limnæus, natione Germanus, historiographus et jurisconsultus insignis, vita functus anno 1663, publici juris fecit varia opera, quorum tituli: *De jure imperii Romano-Germanici*, — *Commentarius ad bullam Auream*, — *Capitulationes imperatorum*, — *De academiis*, — *Notitia regni Galliæ*, etc.

LINDBORN. — Joannes Lindebornius, natione Batavus, patria Daventriensis, et episcopi provicarius, historiographus et theologus eruditione clarus, varia conscripsit opera prænata: *Historia seu Notitia episcopatus Daventriensis*, — *Tractatus de efficacia sacrificiorum quæ obtulit lex divino-Mosaica*, — *Notæ catechetice in baptismatis, pœnitentiæ, extremæ unctionis, ordinis et matrimonii sacramenta*, etc. Obiit anno 1696.

LINDENBROG. — Fridericus Lindenbrogius (Lindebrog), natione Flander, patria Hamburgensis, vir litteris et eruditione clarus, scripsit: *Commentarium de ludis veterum*, — *Codicem legum antiquarum*, etc. Obiit anno 1647.

LINGLOS. — Petrus Franciscus Linglosius (Linglois), natione Gallus, patria Vesuntinus, jurisconsultus, varia de jure concinnavit opera, inter quæ: *De hypotheca*. Obiit anno 1629.

LINK. — Henricus Linkius, vel potius Linckius (Linck), natione Saxo, patria Misiensis, jurisconsultus insignis et professor, varia de jure scripsit opera: *Tractatus de jure templorum*, — *De exheredatione bona mente facta*, etc., etc. Floruit sæculo XVII.

LIPPOMAN. — Ludovicus Lippomanus (Lippomani), natione Italus, patria Venetus, episcopus Bergomensis, vir scientia et eruditione celeberrimus, varia tum Latine tum Italice edidit opera, quorum præcipua sunt: *Acta et vitæ sanctorum*, — *Catena in Genesim, Exodum et Psalmos*, — *Constitutiones synodales super reformatione cleri*, etc., etc. Obiit anno 1559.

LIPS. — Justus Lipsius, natione Belga, patria Bruxellensis, philologus et aristarchus insignis, scientia clarus, vita functus anno 1606, plurima et varia conscripsit opera sub his titulis: *Varie lectiones*, — *Excursio ad Taciti Annales*, — *Tractatus de politica*, — *De militia Romana*, — *De constantia*, etc. Omnia ejus opera collecta sunt tom. quatuor, in-fol. Antverpiæ, 1637.

LIRON. — Joannes Liron, natione Gallus, patria Carnotensis, ordinis S. Benedicti monachus, vir eruditione insignis, plura Gallice scripsit sub his titulis: *Bibliothèque des auteurs chartrains*, — *Aménités de la critique*, — *Singularités historiques et littéraires*, etc. Migravit ad Dominum anno 1748.

LLAMAS. — Hieronymus Llamas, theologiæ doctor, varia juris publici fecit opera prænata: *Summa ecclesiastica*, seu *Instructio confessariorum*, — *Methodus curandi animas*.

LLAMAZ. — Thomas Llamazares, natione Hispanus, patria Pinciensis, ordinis S. Francisci monachus, lector bis jubilatus et custos, vir apprime eruditus, plura tum Latine tum Hispanice conscripsit opera, quorum præcipua: *Questiones theologice, dogmaticæ et morales ad mentem Doctoris subtilis* — *Cursus philosophicus*, — *Apophtegma*, —

Cornucopia sacro-profana, etc., etc. Florebat circa annum 1690.

LOAYSA. — Garcias Gironius de Loaysa, natione Hispanus, archiepiscopus Toletanus, vir scientia et eruditione insignis, vita functus anno 1599, edidit: *Conclia Hispanica*, — *De jure universali*, etc.

LOCAT. — Ubertus Locatus, natione Italus, patria Placentinus, ordinis S. Dominici monachus et episcopus Balneoregiensis, scripsit: *Librum de episcopis Placentinis*, — *Praxim judicariam inquisitionum*, etc. Obiit anno 1570.

LOCHMAIER. — Michael Lochmajerus, natione Germanus, Pataviensis canonicus, theologiæ ac juris pontificii doctor, e vivis ablati circa annum 1450, scripsit opus eximium cui titulus: *Parochiale curatorium*, in quo tractat de jure parochiali, de decimis, de oblationibus, sepulturis, etc.

LOCK. — Joannes Lockius (Loche), natione Anglus, vir eruditione et litteris insignis, philosophus præstantissimus, multa sermone vernaculo edidit opera, inter quæ: *Tractatum de regimine civili*. Obiit anno 1704. Omnia ejus opera collecta sunt, Londini, 1801, 40 vol. in-8^o.

LOHNER. — Tobias Lohnerus, natione Germanus, gente Boius, patria Neo-Oettinganus, dioceseos Salisburgensis, Societatis Jesu presbyter, litteras amœniore, philosophiam et theologiam vicissim professus, rector collegium Lucernense gubernavit, et typis commisit: *Instructionem practicam de SS. Missæ sacrificio*, — *Instructionem practicam de Officio divino*, — *Scholam universalem cœlestis sapientiæ*, — *Marianam maternitatem*, etc. Obiit circa annum 1685.

LOMBARD. — Petrus Lombardus, natione Italus, patria Novariensis in Longobardia, nuncupatus *Magister sententiarum*, quo nomine sæpius vocatur et citatur, canonicus Carnotensis et de Parisiensis archiepiscopus, vir ingenio, doctrina et eruditione insigniter clarus, obiit anno 1164. Scripsit: *Libros quatuor Sententiarum*, — *Commentaria in Psalmos*, etc., etc.

LOPES. — Ludovicus Lopesius (Lopez), natione Hispanus, ordinis S. Dominici monachus, eruditus sacræ theologiæ magister et concionator celebris, connexuit instar catenæ aureæ: *Summam super quatuor evangelistas*, — *Tractatum de contrahibus et negotiationibus*, — *Instructorium conscientie*, etc., etc. Vivebat adhuc Martii anno 1595.

LORIN. — Joannes Lorinus (Lorin), natione Gallus, patria Avenionensis, Societatis Jesu presbyter, vir apprime doctus, philosophiam Romæ, theologiam et litteras sacras Lutetiæ, Mediolani et Romæ cum laude professus, theologus præpositi generalis, et librorum imprimendorum censor, in Gallias ex Urbe reversus, Dolæ obiit anno 1654. Edidit in lucem: *Commentaria in varios Scripturæ sacræ libros*, — *Commentaria in Aristotelis Logicam*, etc.

LOSÆUS. — Carolus Losæus (Loyseau), natione Gallus, patria Carnutensis, jurisconsultus peritus et causidicus Parisiis, varia de jure concinnavit opera tum Latine, tum Gallice, quorum præcipua sunt: *De jure universali*, — *Des seigneuries*, — *Traité du déguerpissement*, etc., etc., Obiit Parisiis, anno 1627, ætatis suæ 65.

LOTH. — Ludovicus Bertrandus Loth, natione Germanus, ordinis Prædicatorum, S. Dominici monachus, et theologus, edidit: *Resolutiones theologicas*. Florebat sæculo XVII.

LOTTER. — Melchior Lotterius, natione Germanus, jurisconsultus scientia et eruditione clarus, varia de jure, tum civili tum canonico, concinnavit opera, inter quæ, *De re beneficiaria*, etc. Claruit sæculo XVI.

LOUVREX. — Mathias Guillelmus Louvrex, natione Belga, patria Leodiensis, jurisconsultus celeberrimus, vir tam eruditione quam simplicitate morum et modestia insignis, plura de jure canonico et ci-

vili conscripsit opera, scilicet: *Dissertationes canonicas de origine, electione, officiis et jure præfectorum et decanorum Ecclesiarum*, — *Notas ad observationes et res judicatas Caroli Mæani*, — *Historiam Leodiensem*, etc. Obiit Leodii, anno 1734, ætatis suæ 69.

LUCA. — Joannes Baptista de Luca, natione Italus, patria Venusensis, S. R. Ecclesiæ cardinalis, vir scientia et eruditione clarus, obiit anno 1683, ætatis suæ 66, posteris relinquens: *Theatrum justitiæ et veritatis*, in 12 vol. in-fol., Romæ, 1680, — *Notas ad concilium Tridentinum*, etc.

LUDEWIG. — Joannes Petrus Ludewigus, natione Germanus, patria Suevus, jurisconsultus et professor insignis, fato functus anno 1743, plura de jure publico et civili scripsit, quæ collecta sunt sub hoc titulo: *Miscellanea*. Edidit etiam: *Scriptores rerum Germanicarum*, — *Collectio scriptorum historiæ episcopatus Herbipolensis*, etc., etc.

LUDOV. A CRUC. — Ludovicus a Cruce, natione Lusitanus, patria Brigantinus, ordinis S. Francisci monachus, vicarius generalis et sacro Lateranensi templo pœnitentiarius, obiit Cæsaraugustæ anno 1653. Scripsit: *Disputationes morales in tres bullas apostolicas Cruciatæ, defunctorum et compositionis*, — *In bullam Cænæ Domini*, — *Tractatum de piis legibus relictis Patribus Minoribus*, — *Dubia moralia*, — *Tractatum de Jubilæo*, etc.

LUDOV. A S. JOA. — Ludovicus a S. Joanne Evangelista, natione Hispanus, ordinis S. Francisci monachus, vicissim commissarius et diffinitor generalis, vir doctrina et virtutibus insignis, publici juris fecit: *Super quatuor libros Sententiarum*, — *Summam casuum conscientie*, — *De administratione sacramentorum in casibus repentinis*, — *De instabilitate vitæ*, etc. Floruit sæculo XVII.

LUGO. — Franciscus de Lugo, natione Hispanus, patria Hispalensis, jam in jure licentiatu, Societatem Jesu amplexus est anno 1600. Vir ingenio et doctrina insignis, philosophiam vicissim et theologiam docuit, et migravit ad Dominum anno 1652, non sine fama tam apud externos quam domesticos sanctitatis. Edidit naufragio superstitis *Commentarios in primam partem S. Thomæ de Deo, Trinitate et angelis*, — *De sacramentis in genere, baptismo, confirmatione et sacra Eucharistia*, — *Discursus prævium ad theologiam moralem*, — *Questiones morales de sacramentis*, etc.

LUGO. — Joannes de Lugo, natione Hispanus, patria Hispalensis, frater præcedentis minor, Societatis Jesu theologus, eminentissimus S. R. Ecclesiæ cardinalis, et sua charitate erga pauperes notus, obiit Romæ anno 1660, ætatis suæ 77. Edidit tomos septem theologicos, videlicet: *De Incarnatione*, — *De sacramentis in genere et Eucharistiæ sacramento ac sacrificio*, — *De virtute et sacramento pœnitentiæ*, — *De justitia et jure*, — *De virtute fidei*, — *Responsorum moralium libr. sex*, etc., etc.

LUITPRAND. — Luitprandus vel Liutprandus, natione Longobardus, patria Ticinensis, Cremonensis episcopus, vir ingenio, eruditione, et eloquentia clarus, obiit circa annum 973, plurima relinquens opera, quæ videnda in cursu *Patrologiæ Latine*, edit. J. P. Migne, tom. CXXXVI.

LULLUS. — Raymundus Lullus, natione Hispanus, patria Palmensis, apud insulas Baleares, Tertii ordinis S. Francisci monachus, vir pius, doctus, divino plenus amore et cœlesti prorsus scientia imbutus, Bugiæ in Africa sanguine pro fide effuso, lapidibus obrutus, obiit anno 1315. Opera pene innumera concinnavit: *De artibus generalibus*, — *De grammatica et rhetorica*, — *De theologia*, etc., etc. Vide Bibliothecam Franciscanam, tom. III, pag. 35.

LUNIC. — Joannes Christianus Lunigius, natione Germanus, urbis Lipsiæ secretarius, tractandis in-